

Äntwert vun der Ministesch fir Famill an Integratioun op d'parlamentaresch Fro n°3546 vum Deputéierte Fred Keup iwwert den Agreement an den Alters-a Fleegeheemer an a de Strukturen fir Leit mat Behënnerung

1)

D'ASFT Gesetz vum 8. September 1998 (*loi du 8 septembre 1998 réglant les relations entre l'Etat et les organismes oeuvrant dans les domaines social, familial et thérapeutique*) definéiert den allgemenge Kader vum Agreement a sengem Kapitel 1: *“Nul ne peut, à titre principal ou accessoire et contre rémunération, entreprendre ou exercer d'une manière non-occasionnelle l'une des activités ci-après énumérées, dans le domaine social, socio-éducatif, médico-social ou thérapeutique s'il n'est en possession d'un agrément écrit, suivant leurs compétences respectives, soit du ministre de la Famille, soit du ministre de la Promotion féminine, soit du ministre de la Jeunesse, soit du ministre de la Santé.[...] L'agrément est obligatoire tant pour les personnes physiques que pour les personnes morales, de droit privé et de droit public. [...]”*

Et ginn 3 Zorte Krittären deenen d'Servicer an d'Strukture mussen entsprieche fir en Agreement ze kréien.

Den 1. Krittär ass dee vun der Honorabilitéit. D' Membere vum Conseil d'Administration vum Gestionnaire vun der Struktur, d'Direktiounsmemberen an d'Encadrementpersonal mussen den Honorabilitéitskrittären entsprieche.

Den 2. Krittär läit um Niveau vun der Zuel a vun der Qualifikatioun vum Personal an ass en Fonction vun de Besoin'en vun der Population-cible festgeluecht ginn.

Den 3. Krittär läit um Niveau vun den Infrastrukturen a Gebailechkeeten an deenen de Service ugebuede gëtt.

Dës Krittäre sinn am Beräich vum Handicap duerch de *“Règlement grand-ducal modifié du 23 avril 2004 concernant l'agrément gouvernemental à accorder aux gestionnaires de services pour personnes handicapées et portant exécution de la loi du 8 septembre 1998 réglant les relations entre l'Etat et les organismes oeuvrant dans les domaines social, familial et thérapeutique”* festgeluet ginn. Am Beraich vun den Alters- a Fleegeheemer sin dës Krittären duerch de *« Règlement grand-ducal modifié du 8 décembre 1999 concernant l'agrément à accorder aux gestionnaires de services pour personnes âgées »* festgeluet ginn.

2)

Am Beräich Handicap gëtt et 6 verschidden Aktivitéiten déi kënnen agreéiert ginn :

- Service d'assistance à domicile
- Service d'hébergement
- Service de formation
- Service d'emploi ou atelier protégé
- Service d'activités de jour
- Service d'information, de consultation et de rencontre

Am Beräich vun den eelere Leit ginn et 11 verschidden Aktivitéiten déi kënnen agreéiert ginn :

- Centre intégré pour personnes âgées
- Maison de soins
- Logement encadré pour personnes âgées
- Centre psycho-gériatrique
- Centre régional d'animation et de guidance pour personnes âgées
- Aide à domicile
- Soins à domicile
- Repas sur roues
- Appel-assistance externe
- Activités senior
- Centre d'accueil pour personnes en fin de vie

Fir all dës Agrementen ass de Familljeministère zoustänneg.

3)

Dës Krittäre ginn op Basis vun engem administrativen Dossier un Hand vu Checklëschten, souwéi duerch Visitten op de jeeweilege Sitte vun Agente vum Familljeministère kontrolléiert. An der Reegel ginn d'Agrementen accordéiert fir eng onbegrénzt Dauer. Allerdéngs kann de Minister och decidéieren en Agrément op limitéiert Zäit z'accordéiere wann d'Krittären aktuell net all kënnen vum Gestionnaire erfëllt ginn. Ab deem Moment wou e Gestionnaire en Agrément illimité kritt huet, gëtt e reegelméisseg kontrolléiert.

4)

Wa festgestallt gëtt, dass d'Krittären net méi erfëllt sinn, muss de Gestionnaire sech an engem Delai tëschent 8 Deeg an engem Joer konforméieren a schlëmmstefalls kann e den Agrément ewechgeholl kréien.

Am Fall wou Infraktiounen festgestallt ginn, geet den Dossier un de Parquet an et kënnen Prisongsstrofe vun 8 Deeg bis 3 Joer an oder Geldstroofen gesprach ginn.

5)

Den Delai fir sech un nei gesetzlech oder reglementaresch Oplagen a Reglementer ze halen ass am Prinzip an all neiem Gesetz oder Reglement individuell virgesinn.